

**INFORMACIJA O AKTIVNOSTIMA  
OPĆINSKE IZBORNE KOMISIJE NOVO SARJEVO  
za period juli – oktobar 2023. godine**

Općinska izborna komisija Novo Sarajevo (u daljem tekstu: OIK Novo Sarajevo) u sastavu Srđan Lazar (član), Jasna Nikšić (članica), Nina Šantić (članica), Harun Išerić (član), Tarik Bahto (član) i Selna Hošić (članica) obavlja zakonom propisane dužnosti od dana 12. juna 2023. godine nakon što je postalo pravosnažno Rješenje Centralne izborne komisije Bosne i Hercegovine broj: 06-1-149/23 od 17. maja 2023. godine.

Sanja Škuletić-Malagić, koja je obavljala poslove zamjenskog predsjednika OIK-a, podnijela je ostavku u julu 2023. godine, te je u skladu sa Poslovníkom o radu, upravljanje i rukovođenje radom OIK-a preuzeo član izborne komisije Srđan Lazar, koji je najstariji po godinama života.

U periodu od 10. jula 2023. do 19. oktobra 2023. godine OIK Novo Sarajevo je održao 5. redovnih sjednica i 2. hitne sjednice.

Općinsko vijeće Novo Sarajevo je usvojilo Odluku o raspisivanju izbora za članove savjeta mjesnih zajednica na području općine Novo Sarajevo („Službene novine KS“, broj 27/23 i 42/23) (u daljem tekstu: Odluka), kojom je propisano članom 5. stav (1), na osnovu Statuta Općine Novo Sarajevo i Statuta mjesnih zajednica, da će izbore za članove Savjeta mjesnih zajednica organizirati i provoditi OIK Novo Sarajevo, u skladu sa tim OIK Novo Sarajevo je na svim održanim sjednicama u navedenom periodu najveću pozornost i aktivnosti usmjerio upravo na organizaciju i realizaciju izbora za članove savjeta mjesnih zajednica na području Općine Novo Sarajevo..

Uzimajući u obzir da je članom 6. Odluke propisano da će OIK Novo Sarajevo donijeti Uputstvo o provođenju izbora za članove savjeta mjesnih zajednica, na 4. sjednici održanoj 05.10.2023. godine je usvojeno Uputstvo o provođenju izbora za članove savjeta mjesnih zajednica na području općine Novo Sarajevo broj: 02OV-01-1-6659/23.

U skladu sa navedenim OIK Novo Sarajevo je započeo sa preduzimanjem aktivnosti koje su neophodne radi uspješnog organiziranja navedenih izbora, neke od tih aktivnosti su objavljivanje javnog poziva za dostavljanje kandidatura za članove savjeta mjesnih zajednica na području Općine Novo Sarajevo, javni poziv za akreditovanje posmatrača, obavještenje za prijavu lica koja su zbog starosti, bolesti ili invalidnosti vezana za svoje domove, za glasanje putem mobilnog tima, te ostale aktivnosti.

Ostale značajnije aktivnosti koje je OIK Novo Sarajevo imao u navedenom periodu jeste usvajanje Poslovníka o radu Općinske izborne komisije Novo Sarajevo u skladu sa članom 3. Uputstva o načinu rada i izvještavanju izborne komisije osnovne izborne jedinici u Bosni i Hercegovini broj 05-1-02-2-622-1/22 od 04. maja 2022. godine.

Na osnovu člana 4. Uputstva o načinu rada i izvještavanju izborne komisije osnovne izborne jedinici u Bosni i Hercegovini, OIK Novo Sarajevo će kontinuirano raditi na jačanju transparentnosti i otvorenosti njenog rada, te u skladu sa tim će blagovremeno i redovno objavljivati na zvaničnoj web stranici Općine Novo Sarajevo izvještaje o radu OIK-a Novo Sarajevo i datume zakazanih sjednica sa predviđenim dnevnim redom kako bi sva zainteresovana lica mogla prisustvovati istim.

***OPĆINSKA IZBORNA KOMISIJA  
NOVO SARAJEVO***